



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliæ Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

53. An Cardinales in Ecclesiis sibi concessis possint conferri beneficia, & exercere iurisdictionem ante cæptam possessionem, & ostensionem literarum? Ex p. 5. tr. 2. res. 47.

[urn:nbn:de:hbz:466:1-76442](#)

suis titulis, vide Camillum Billotta tract. de Absol.
iur. lib. 2. c. 7. & Merollam to. 1. disp. 1. cap. 3. difficult. 5.
num. 225.

RESOL. LIII.

An Cardinales in Ecclesiis sibi concessis possint conferre beneficia, & exercere iurisdictionem ante captiam possessionem, & ostensionem literarum? Ex part. §. tr. 2. Ref. 47.

§. 1. Videretur negatiū respondendum, & ideo Episcopus non potest absque litterarum ostensione possessionem consequi, vt docet Parisius de resignat. lib. 8. q. 5. n. 33. Azorius p. 2. lib. 3. c. 29. q. 9. & alij, nam quamvis iure communi, vbiquis erit canonica institutione confirmatus, habeat ea quae sunt iurisdictionis, dignitatis, & de lege Diocesana, cap. transmissam, c. nos. c. qualiter, de elect. c. inter corporalia, de translat. Episc. & statim ac sunt propositi in Consistorio Sanctitatis suæ, dicantur electi, nominati, designati, presentati, instituti, ac confirmati; nihilominus per Extravag. iniuncta, de elect. inter communis, si velint praedictæ exercere, debent obtinere praedictas literas, alias possessionem Episcopatus consequi non posunt.

2. His tamen non obstantibus dicit. Extravag. iniuncta, non habet locum in Cardinalibus Episcopis, qui ante possessionem adeptam, & ostensionem litterarum iurisdictionem exercere possunt, vt obseruat Lauorius in var. elucubr. tit. 4. c. 25. nn. 10. Gonzales in reg. 8. Cancell. gl. 24. n. 7. Barbosa de potest. Episc. part. 3. allegat. 111. n. 35. Bellenchus de charitate subj. q. 60. n. 16. & alij.

RESOL. LIV.

An Cardinalis ad Episcopatum assumptus, si nondum possessionem fuerit adeptus, possit adhuc beneficia conferre?

Et an Cardinales possint conferre beneficia commendata, sine ad tempus, sine ad vitam dissoluta commendata, & idem dicendum est de unitis, dissolutis unionibus? Ex part. §. tr. 2. Ref. 45.

§. 1. Negatiū respondet Archidiaconus in c. eum qui, de prabend. in 6. Dynus ad reg. 1. n. 17. de regulis iuriis in 6. Ripa conf. 1. Rebiffus in praxi benef. tit. de simonia, in resignat. n. 44. & alij Ait enim Dynus canonicanam institutionem appellari illam, in qua omnia substantialia concurrunt, videlicet institutione, seu collatio, investitura, seu collationis confirmatione, & missio in possessionem. Per institutionem verbalement tribuitur ius proprietatis, per inuestituram declaratur, & confirmatur illius iuris collatio, ut cap. ad bac. §. in quadam, & c. vi nostrum, de offic. Arsbid. & c. cum ex iniuncto, de hoc. & per inductionem in possessionem tribuitur ius possessionis, vel quasi, & in administrationis, d. cap. ad bac. & cap. vi nostrum, ibi, ponere Abbes, & Abbatis in Sede, ergo, &c.

2. Verum ego affirmatiue opinioni adhaereo, quam docet Germonius de Indulg. 9. nec non, n. 8. vbi post multa concludit possessionis apprehensionem esse utique necessariam quoad solemnitatem, vt possit prouisus ostendere se esse in possessione, siue illicet molestem repellere, inferendamve præcauere; non sequi tamen quin ante adeptam possessionem possit administrare & exercere ea, quae sunt iurisdictionis.

Tom. IX.

etionis, dummodo tertio non præiudicet. Sed sic est, vñorat Innoc. Hostiensis, Abbas in c. transmissi, de elect. cum Oldrado conf. 191. quod statim ac quis est electus Episcopus, & confirmatus, potest exercere ea, quae sunt iurisdictionis, vñi est beneficiorum collatio etiam extra Diocesum, et si nondum in eam se contulerit, sic Ecclesia dicitur vacate usque ad confirmationem gl. ad Clem. 1. ver. collatio, ut sita pendent. & ibi not. Imola. num. 20. ver. in xta predicta. Felin. ad cap. cum Bertholdus, col. 2. num. 3. ver. dixit etiam, de re iudicio. Panuin. de offic. & potest. Cap. Sed vac. prælud. 7. num. 16. in fine. Franc. ad c. quattuor. §. 1. num. 1. de elect. lib. 6. Rota decif. 6. vers. hoc etiam, de elect. in nonis. decif. 182. divers. p. 2. quæ cum luce clariora sint, videatur dicendum non opus esse possessionis apprehensione vt Cardinalis virtute indulti conferat, etiam si eam & naturaliter & corporaliter nondum ceperit, vt ait Innocent. in c. cum super, ibid. n. 17. de conf. posses. & propriet. sequitur Abbas, cui adstipulauit Gemin. & Paril. ad cap. eum qui, de prabend. lib. 6. & ita hanc sententiam ex neotericis, præter Germonium tenet etiam Massobrius in praxi babendi concurs. prælud. 26. dub. 6. num. 3. quando Episcopus Cardinalis fuerit confirmatus, & quando possidet talis Episcopatus fuerit vacuaciam si fuerit ab aliquo occupata, putat prius possessorum expellendum esse iusta sententia.

3. Notandum etiam hic obiter Cardinales posse conferre beneficia commendata sine ad tempus, sine ad vitam dissoluta commendata, & idem de unitis dissolutis unitiis. Ita Germonius loco cit. §. quia extra n. 18. & Massobrius dub. 15.

RESOL. LV.

An Cardinalis Episcopus possit prouidere beneficia reservata vacancia tempore sui Antecessoris non Cardinalis?

Et quid est conuerso, vacante beneficio in mense alias reservato tempore, quo Cardinalis erat Episcopus, quod durante vita Cardinalis non fuit prouisum, an possit dictum beneficium ab Episcopo non Cardinali successore prouideri? Ex p. 5. tr. 2. Ref. 27.

§. 1. Respondeo vel habet indultum, vel non habet, si non habet, non potest, quia tale beneficium à puncto vacationis fuit Sedi Apostolicæ referuatum; sed si Cardinalis habet indultum solitum ad conferenda beneficia, illud beneficium conferre poterit, dummodo indultum extenderatur ad beneficia etiam vacantia, alias minime. Ita Garzias de benef. part. 5. c. 1. n. 635. Massobrius in praxi habent. concurs. prælud. 26. dub. 3. Gonzales in reg. 8. Cancell. gl. 24. & n. 108. & Castrus Palau tom. 2. tr. 13. disp. 2. punt. 22. §. 4. n. 7. qui tamen n. 8. contra Gonzales putat est conuerso vacante beneficio in mense alias reservato, tempore quo Cardinalis erat Episcopus, quod durante vita Cardinalis non fuit prouisum, posse dictum beneficium ab Episcopo non Cardinali successore prouideri, non obstante reg. 2. Cancell. Sed sententiam Gonzales tenet Massobrius ubi supra dub. 4. unde puto utramque sententiam probabilem esse.

RESOL. LVI.

An beneficia simultanea collationis Episcopis, & Capitulo vacanti in mense Apostolico, a Cardinali simul cum Capitulo prouideri debeant, & quid in beneficiis alias reservatis?

L 1 Et